

[www.BibleForChildren.org](http://www.BibleForChildren.org)



Juwau 14



“M'tima wanu mbauleke kuneseka. Mwakhulupirira Mulungu, khulupiriranimbo ine. Kumui kwa Baba wangu kuna nyumba zizinji. Ndipo kungadasaya mbuto, ningadakuuzani lini kuti, ndiri kuyenda kukakukondzerani mbuto”.




“Ndipo ndikayenda kukakukondzerani mbutu,  
nin'dzabwera pomwe ndipo nin'dzakutengani kuti  
komwe kuna ine, mudzakhalembo”.




Ine, Juwau, m'bale ndipo mwandzanu mukubonera,  
muUmambo ndipo na pakupirira mwa Jezu,  
ndidathusidwa pantsuwa ya Patimosi

thangwe ra mafala ya  
Mulungu na umboni


bwa Jezu.




Mwacisututu ndidaphatidwa na Mzimu wa Mulungu,  
ndipo patsogolo pangu pakhana mpando wa umambo  
uli kudzulu ndipo pampandopo pakhadakhala munthu.



Patsogolo pace ndidabva bzakulengedwa bzentse bza kudzulu, bza dziko la pantsi, bza pantsi pa mataka na bza munyandza, na bzentse bziri mumbuto zimwezo bzikhalewa kuti: “Kwa Ule omwe adakhala pampando wa umambo na kuna Bira kukhale kutumbizidwa, mbiri, ukulu na utongi kwakusaya kumala!”




Ndidawona Mzinda Wakucena, Jerusalema mupsa,  
omwe akhabuluka kucokera kudzulu kuna Mulungu,  
wakukondzekera ninga wakulowodwa  
wakubzidekesera mwamuna wace.



Ndidabva fala lamphambvu likhacokera kumpando wa umambo likhambalewa kuti: “Tsapano cikumbi ca Mulungu ciri pakati pa wanthu, ndipo Iye an'dzakhala nawo. Iwo an'dzakhala mbumba ya Mulungu ndipo Iye


an'dzakhala na iwo ndipo an'dzakhala Mulungu wawo”.




Patsogolo pace anju adandiwonesa mkulo wa madzi ya moyo yakucena ninga vidru, yakhayerera kucokera kumpando wa umambo wa Mulungu na wa Bira, pakati pa mseu ukulu wa mzinda.



Mzinda un'funika lini dzuwa napo mwezi kuti  
bziubvunikire, nakuti kuyetima kwa ukulu bwa  
Mulungu ndiko kunibvunikira, ndipo Bira ni  
ciphaniphani cace.



Muna iwo mun'dzapita lini pomwe cinthu cakusaya  
kucena cipo, napo omwe an'dzacita bzakupasisa  
manyazi ayai bzakunama,  
tsono okhawo wale omwe  
madzina yawo  
yadanembedwa  
muLivu la Moyo  
la Bira.



“Iye an'dzawapukuta misozi yentse m'maso. Ndipo impfa in'dzawoneka lini pomwe, napo kutsukwala napo kulira napo kuwawidwa, nakuti bzinthu bzakale bzamala”.




Mum'zindamo mun'dzawoneka lini pomwe cakutembereredwa na Mulungu cipo. Mpando wa umambo wa Mulungu na wa Bira un'dzakhala mumzinda, ndipo anyagirinya wace an'dzanutumikira. Iwo an'dzawona nkhope yace, ndipo dzina lace lin'dzakhala pa mikuma yawo.



Ndidawonambo wakufa, akulu na ang'ono,  
akhadaimirira patsogolo pa mpando wa  
umambo, ndipo malivu yadafungulidwa. Livu  
linango lidafungulidwa, lomwe ni Livu la Moyo.  
Wakufa adatongedwa malinge na bzomwe  
akhadacita, mwakuyenderana na bzomwe  
bzikhadanembedwa m'malivumo.

Wentse omwe  
madzina yawo yalibe  
kugumanidwa muLivu  
la Moyo, adathusidwa  
muthawale la moto.



Mzimu Wakucena na wakulowodwa alikulewa kuti:  
“Bwerani!” Ndipo ule wentse omwe anibva alewe  
kuti: “Bwerani!” Omwe ana nyota, abwere. Ndipo  
omwe angafune, amwe madzi ya moyo mwaulere.



Ni terepoyo Mulungu adafuna dziko,  
adapereka mwana wace m'bodzi  
yekha kuti wentse ule omwe  
animukhulupirira aleke kufa, tsono  
akhale na moyo wakusaya  
kumala.



aRoma 3:23

pakuti wentse adaphonyera Mulungu ndipo adafundusidwa  
mu ulemenero bwa Mulungu,

aRoma 6:23

Thangwe malipiro ya kuphonyera Mulungu ni impfa, tsono  
mphatso ya fovolo ya Mulungu ni moyo wakusaya kumala  
mwa Krixtu Jezu, Mbuya wathu.

aHeberi 9:27

Bzibodzi-bodzimbo ninga munthu wentse ambafa  
kabodzi kokha ndipo patsogolo pace atongedwe,



aEfezo 2:8,9

Sabwa mwa nkhombo ndimwe wakupulumuka, kudzera mu cikhulupiriro, ndipo kumweku kun'cokera lini kwa imwe, ni mphatso ya Mulungu. Kun'cokera lini kwa mabasa nee, kuti paleke kuwoneka wakubzikuza.

aRoma 10:9,10

Penu iwepo un'tawira na mulomo wako kuti Jezu ni Mbuya, ucikhulupirira mum'tima mwako kuti Mulungu adamulamusa kwa wakufa, un'dzapulumusidwa.

Pakuti munthu ambakhulupirira na m'tima kuti alungamisidwe ndipo na mulomo ambatawira kuti apulumusidwe.



## Juwau 3:16,17

Ni terepoyo Mulungu adafuna dziko, adapereka mwana wace m'bodzi yekha kuti wentse ule omwe animukhulupirira aleke kufa, tsono akhale na moyo wakusaya kumala. Sabwa Mulungu adatuma mwana wace padziko sikuti adzalipase nyathwa, tsono kuti adzalipulumuse.

## 1 Juwau 5:11-13

Ndipo umbonibo ni bwakuti: Mulungu adatipasa moyo wakusaya kumala, ndipo moyoyo uli mwa Mwana wace. Ule omwe ana Mwana, anawo moyo. Ule omwe alibe Mwana wa Mulungu, alibe moyo. Ndakunemberani bzinthu bzimwebzi, imwe omwe mumbakhulupirira mudzina la Mwana wa Mulungu, kuti imwepo mudziwe kuti muna moyo wakusaya kumala.



Juwau 14; 2 aKolinto 5; Cidziwiso 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Nyungwe Bible (nyu) © 2019 Wycliffe Bible Translators, Inc.

<https://www.bible.com/en-GB/bible/2347/GEN.1.NYNT>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

